

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK
o odbacivanju Prijave namjere koncentracije

Sarajevo
februar 2007. godine



Broj: 01-03-026-023-3-II/06
Sarajevo, 05. februara 2007. godine

Na osnovu člana 42. tačka g) Zakona o konkurenciji («Službeni glasnik BiH» broj 48/05) i člana 116. stav (2) Zakona o upravnom postupku («Sl. glasnik BiH», broj 29/02), a u skladu sa članom 26. Zakona o konkurenciji, te u vezi sa članom 16. Zakona o konkurenciji, je podnesena Prijava namjere koncentracije, dana 27. decembra 2006. godine broj: 01-03-26-023-II/06, kojom privredno društvo «BINGO» d.o.o. export-import, ulica Rose Hadživuković b.b. Tuzla, namjerava izvršiti pripajanje privrednog društva «VELEPROMET BANOVIĆI» d.o.o., ulica Husinske bune b-3, Banovići, Konkurencijsko vijeće na 40. (četdesetoj) sjednici održanoj dana 05. februara 2007. godine, je donijelo

ZAKLJUČAK **o odbacivanju Prijave namjere koncentracije**

Odbacuje se Prijava namjere koncentracije pripajanjem privrednog društva «Velepromet – Banovići» d.o.o., privrednom društvu «Bingo» d.o.o. export-import, Tuzla, radi nepostojanja koncentracije u smislu odredbi Zakona o konkurenciji.

OBRASLOŽENJE

Prijavu namjere koncentracije je podnijelo privredno društvu «BINGO» d.o.o. export-import, ulica Rose Hadživuković b.b., Tuzla (u daljem tekstu: «BINGO» ili podnosioc Prijave), dana 27. decembra 2007. godine broj: 01-03-26-023-II/06, kojom namjerava izvršiti pripajanje privrednog društva «VELEPROMET BANOVIĆI» d.o.o., ulica Husinske bune b-3, Banovići, pijenosom imovine i obaveza bez provođenja postupka likvidacije, što je u skladu sa Zakonom o privrednim društvima («Sl. novine Federacije BiH», br. 23/99, 45/00, 2/02, 6/02, 29/03 i 68/05), i time steći kontrolu nad istim.

Uvidom u Prijavu namjere koncentracije (u daljem tekstu: Prijava) Konkurencijsko vijeće je utvrdilo da je ista kompletna i uredna i izdalo Potvrdu o kompletnoj i urednoj Prijavi, u smislu člana 30. stav (3) Zakona o konkurenciji (dana 31. januara 2007. godine broj: 01-03-026-023-1-II/06).

Konkurencijsko vijeće je na osnovu podataka dostavljenih uz Prijavu izvršilo preliminarnu analizu iste te utvrdilo sljedeće:

- (a) Prijava je podnesena u zakonom propisanom roku, u smislu člana 16. stav (1) Zakona o konkurenciji i Odlukom o načinu podnošenja prijave i kriterijima za ocjenu koncentracije privrednih subjekata («Sl. glasnik BiH», broj 95/06).
- (b) Privredno društvo «BINGO» i privredno društvo «VELEPROMET BANOVIĆI» su registrirana na teritoriji Bosne i Hercegovine.
- (c) Fizičko lice Džambić Senad iz Tuzle, sa ukupnim osnovnim kapitalom u novcu i stvarima je 100,0% osnivač i vlasnik privrednog društva «BINGO».

- (d) Fizička lice Džambić Senad iz Tuzle, sa ukupnim osnovnim kapitalom u novcu i stvarima je 100,0% osnivač i vlasnik privrednog društva «VELEPROMET BANOVIĆI».
- (e) Odluku o namjeravanoj reorganizaciji odnosno prenosu imovine i obaveza bez provođenja postupka likvidacije je donijelo privredno društvo «BINGO» i privredno društvo «VELEPROMET BANOVIĆI».
- (f) Ukupan godišnji prihod privrednog društva «BINGO», kao podnosioca Prijave, u Bosni i Hercegovini za 2005. godinu iznosi (..)**¹KM.
- (g) Ukupan godišnji prihod privrednog društva «VELEPROMET BANOVIĆI» ostvareni u Bosni i Hercegovini za 2005. godinu iznosi (..) ** KM.

Iz navedenih podataka predmetna Prijava pripajanja privrednog društva «VELEPROMET BANOVIĆI» privrednom društvu «BINGO» je smatra promjenom oblika unutrašnje organizacije privrednog društava, i ne radi se o promjeni vlasničke strukture s obzirom da su oba privrednog društva u 100,0% vlasništvu jednog fizičkog lica, te se ne radi o koncentraciji u smislu člana 12. Zakona o konkurenciji.

Iz navedenih razloga Konkurencijsko vijeće je odlučilo kao u dispozitivu ovog Zaključka.

POUKA O PRAVNOM LIJEKU

Protiv ovog Zaključka nije dopuštena žalba.

Predsjednik
Gordan Raspudić

¹ (..)** - Podaci su poslovna tajna